

## USLOVI KORIŠTENJA BIBLIOTEKE

Dobro došli u biblioteku Goethe-Instituta u Bosni i Hercegovini!

Naša biblioteka dostupna je svima i korištenje medija bez učlanjenja moguće je isključivo u prostorijama biblioteke!

### Članska karta

Korištenje biblioteke je besplatno. Za pozajmljivanje knjiga i audio-vizuelnih medija neophodna je važeća članska karta. Nju izdaje Goethe-Institut u Bosni i Hercegovini uz predočenje lične karte, pasoša ili dokaza o prijavi boravka u Bosni i Hercegovini. Članska karta je neprenosiva na drugu osobu. Ukoliko promijenite adresu ili izgubite člansku kartu, dužni ste to prijaviti biblioteci.

Korisnički podaci pohranjuju se u bazi podataka u Njemačkoj i koriste se isključivo za zasnivanje, provedbu i prestanak ugovora o pozajmljivanju medija sa bibliotekom. Pohranjeni korisnički podaci ne daju se trećim osobama. Korisnici biblioteke u svakom trenutku imaju mogućnost uvida u vlastite lične podatke koji su pohranjeni.

### Cjenovnik usluga biblioteke (BAM)

<b>Duplikat članske karte</b>		5,00 BAM
<b>Kazna za prekoračenje roka pozajmljivanja</b>	po danu i mediju	0,50 BAM
<b>Fotokopije i štampanje stranica sa interneta</b>	do 10 stranica formata A4	besplatno

### Pozajmljivanje i rokovi za vraćanje medija

Broj medija koji se mogu pozajmiti je ograničen. Možete odjednom pozajmiti maksimalno 10 medija. Rok pozajmljivanja za knjige, DVD-ove, CD-ove i igre je dvije sedmice, a za medije iz oblasti njemačkog kao stranog jezika (DaF) je sedmicu.

Leksikoni, novine i časopisi se ne mogu pozajmljivati.

Medije možete samostalno pozajmiti na uređaju za samostalno pozajmljivanje.

### Produženje roka pozajmljivanja

Rok pozajmljivanja moguće je produžiti jedanput za dodatnih 7 dana ukoliko medij nije rezervisan za druge korisnike. Za produženje roka pozajmljivanja kontaktirajte nas telefonom na br. 033/200-920 ili pišite nam na e-mail: [infocentar.sarajevo@goethe.de](mailto:infocentar.sarajevo@goethe.de). Rok pozajmljivanja također možete produžiti putem svoga korisničkog računa u našem elektronskom katalogu (OPAC).

### Rezervisanje medija

Medije je moguće rezervisati putem Vašeg korisničkog računa u našem elektronskom katalogu (OPAC), što Vam omogućava da dobijete obavijest čim rezervisani medij bude dostupan. Nakon obavijesti imate 7 dana da rezervisani medij preuzmete i pozajmite.

## **Copyright**

Molimo Vas da poštujuete autorska prava u odnosu na medijske jedinice u smislu sačinjavanja kopija i javnog prikazivanja sadržaja

## **Oštećenje i gubitak medija**

Korisnik nadoknađuje medije koje izgubi ili ošteti. U slučaju naslova koji više nije moguće nabaviti, visinu nadoknade određuje biblioteka.

## **Opomene**

Svaki korisnik je sam odgovoran za blagovremeno vraćanje pozajmljenih medija. U slučaju nepridržavanja roka pozajmljivanja, biblioteka šalje do najviše tri opomene, pri čemu treća opomena najavljuje ukidanje članstva.

## **Fotokopije**

Korisnici mogu kopirati iz knjiga, časopisa i novina za ličnu upotrebu u skladu sa gore navedenim cjenovnikom. Kopiranje CD-ova i DVD-ova nije dopušteno jer se time krše autorska prava (Copyright) i jer to predstavlja krivično djelo.

## **Korištenje interneta**

Za korisnike s važećom članskom kartom korištenje interneta je besplatno. Molimo Vas da obratite pažnju na to da nije dozvoljeno koristiti internet u svrhu pregledavanja stranica sa rasističkim, pornografskim ili ekstremističkim sadržajima.

## **Pravila ponašanja u biblioteci**

Molimo Vas da obratite pažnju na to da u biblioteci nije dozvoljeno pušiti i konzumirati hranu. Svi korisnici biblioteke su dužni da vode računa o ličnoj higijeni. Uposlenici biblioteke ovlašteni su udaljiti iz biblioteke one korisnike koji narušavaju pravila ponašanja u biblioteci.

## **Ukidanje članstva**

Korisnicima koji iznova krše uslove korištenja biblioteke članstvo u biblioteci može biti privremeno ili trajno ukinuto.

## **eBiblioteka**

Osim medijskih jedinica u biblioteci na raspolaganju Vam dodatno stoje i digitalni mediji u „eBiblioteci“. Korištenje digitalne biblioteke (eBiblioteke) je besplatno. Potrebno je da se jednom prijavite na linku: <https://www.goethe.de/ins/ba/bs/kul/bib/onl.html>.

**Adresa i radno vrijeme biblioteke s korisnicima**

Maršala Tita 28/IV

71 000 Sarajevo

Tel. +387 (0)33 200 920

✉ [infocentar.sarajevo@goethe.de](mailto:infocentar.sarajevo@goethe.de)

Pon – uto: 10:00-14:00 sati

Sri - čet: 14:30-18:30 sati

Pet: neradni dan

**Potpisom formulara za prijavu obavezujete se na pridržavanje uslova korištenja biblioteke.**